



Universitätsbibliothek Paderborn

Theologia Moralis Universa

Ad Mentem Præcipuorum Theologorum & Canonistarum, per Casus practicos exposita, nunc quartò ab ipso Authore revisa ... & in 4. Tomulos sic divisa, ut pro libitu in duas aut 4. Partes commodè compingi possit

à Casu XXXVII usque ad Casum LXXV. inclus. exhibens Materiam de Restitutione, de Contractibus, de Religione & Vitiis eidem oppositis

Jansen, Leonard

Coloniæ Agrippinæ, 1752

VD18 13475452-001

Casus LXX. De Extinctione, & Irritatione Voti.

urn:nbn:de:hbz:466:1-39820

C A S U S LXX.

De Extinctione, & Irritatione
Voti.

Variis obstrictus votis querit. 1. Ancessent per mutationem materiae, vel finis. 2. An excusat difficultas, vel periculum. 3. Quod materia fiat inepta ex parte, vel ad tempus. 4. Quid sit irritatio, an fieri possit votante invito, & rea vota in favorem tertii facta. 5. An vota irritare possint Papa & Episcopi. 6. An Superiores Ordinum, an vota in saeculo, vel Novitiatu edita. 7. An id possint Abbatisse, Vice - Superiores, &c. 8. Quid si unus Superior in votum consensit, an vel alius adhuc revocare possit. 9. An peccet in causa irritando. 10. An irritare possit votum proprium, vel alteri irritandum committere. 11. An pater vel tutor irritare possit omnia vota prolium ante pubertatem etiam cum consensu emissa, vel post pubertatem implenda. 12. An hæc vota irritari possint omni tempore, quid si filius ea post puberatum renovaverit. 13. An idem possit curator. 14. Quid possit pater vel curator circa vota post puberatum emissa. 15. Quid si votum impuberis post puberatum in aliud fuerit commutatum. 16. Quid si votum sit implendum post tempus subjectio- nis. 17. Quo ordine pater, tutor, &c. Vota irritare possint, & an possit magister, nutritius, & quid in dubio an votum sit irritabile. 18. An maritus vota uxoris irritare possit, vel contraria. 19. Quid sit uxor ante vel sub matrimonio uoverit casti- tum, eleemosynam, confessionem; quid si mari- tus

tus id agrè ferat. 20. *Quid si uxor vel maritus voverit non petere debitum.* 21. *Aut mutuo consensu voverint castitatem, vel unus voverit cum alterius licentia.* 22. *An dominus vel harsus vi servorum irritare possit?*

Vota cessant quatuor modis : Extinctione, irritatione, dispensatione, commutatione. De duobus primis agetur in præsenti, de reliquis in seqq.

II. QUÆR. I. Qualiter vota extinguantur?

1. Extinguuntur propriè dupliciter, per notabilem scilicet materiae mutationem, & per cessationem finis, seu motivi principalis; mutatur autem notabiliter materia, quando fit moraliter diversa, v. g. ex facili multum difficultis, ex possibili impossibilis, ex licita illicita, ex bona indifferens aut majoris boni impeditiva; unde deduces seqq.

1. Si mutatio, major difficultas, vel periculum non oriatur ex ipsa re, sed ex voluntate vel malitia voventis, non cessat voti obligatio, v. g. vovisti castitatem, quæ tibi ob pravam inclinationem, vel lasciviæ consuetudinem facta est difficultima, vel etiam periculosa, non excusaris à voto, quia hæc difficultas, aut periculum non est ex parte materiae seu castitatis, quæ ex semelior est, quam ejus oppositum, sed ex parte habitus vitiösi, & pravæ voluntatis, quam quilibet corrigere potest & tenetur. Vid. Cas. 68. n. 5.

2. Excusat grave periculum non prævisum, v. g. vovisti peregrinari ad statuam B. M. Virginis, si audias viam esse infestam latronibus, durante periculo excusaris à voto; econtrâ si periculum sit prævisum, non excusat, v. g. vovisti in nosocomio servire infirmis, teneris exequi Votum,

cc-

viam sit periculum infectionis, nam cum soleat
quodammodo periculum ibi reperiri, satis censetur præ-
sum.

3. Vovisti peregrinari pedes, excusaris si fias
laudus, & equum, vel currum habere, vel uti non
vollis, aut a parentibus tibi prohibeatur.

4. Si materia voti secundum quid fiat impossibilis vel inepta, cessat quoad illam partem, ut 3.
aplicavi Cas. 68. n. 13.

5. Si materia voti tantum pro aliquo tempore
inepta, votum pro illo tempore suspenditur,
e.g. vovisti non adire istam domum ob certam
pellam tibi periculosam, si puella absit, potes do-
mum ingredi, si illa redeat, votum redit, si moriatur,
votum omnino cessat, et si ad eam domum expost
erit puella periculosior, non teneris vi voti istam
mitare, Pyrrh. l. 3. t. 34. n. 33. Wiesner, ibid. n. 48.

6. Si determinato pauperi vovisti eleemosy-
nam, si hic fiat dives, cessat votum, quia cessat fi-
nialis principalis; si iterum fiat pauper, redit votum;
similiter si huic pauperi vovisti eleemosynam, ideo
quia putabas esse probum, si expost rescias talem
non esse, cessat votum, quia cessat ejus moti-
vum; secus si ideo vovisti, quia erat pauper; item
vovisti peregrinationem pro sanitate vel liberatio-
ne filii e captivitate, qui tempore voti emissi jam
mortuus vel liberatus, cessat votum, quia ces-
ta ejus finis, Schmaltz gr. n. 70.

QUÆR. II. Quid sit irritatio voti?

4.

R. Est actus potentiae dominativæ, quâ nomi-
natio proprio tollitur obligatio hominis sibi quoad
personam, vel voti materiam subjecti; est com-
munitis quoad rem cum D. Th. 2. 2. q. 88. & seq.
dicitur 1. *Actus potentiae dominativae*, hoc est, ta-

E e lis,

R. D. Jansen Theol. Moral. Tom. II.

lis, vicujus alterius voluntas vel res est ita subjecta, ut sine consensu dominantis firmiter obligari non possit; quare omnia vota, juramenta, dispositiones hominis taliter subjecti imbibunt hanc conditionem. *Si Superior, seu ille, cui subsum, consenserit;* ideoque hoc ipso, quod ille non consentiat, tollitur voti vel juramenti obligatio: unde patet, etiam vota, vel juramenta in favorem tertii facta & acceptata, irritari posse etiam acceptante invito, etsi non possint sic dispensari, vel commutari, ut dicam *Cas. seq. n. 17. Sylves. Nav. c. 12. n. 78. Laym. c. 8. n. 21.* Ratio est, quia etiam vota in favorem tertii facta habent conditionem: *Si Superior consenserit;* ergo hoc ipso quod consensum negat, ea irritat. Aliqui autem dominativè subjecti sunt quodad voluntatem simul, & bona, ut Religiosi suis Superioribus, impuberis patri vel tutori, & hi omnes vota directè irritare dicuntur, eò quod voluntas voventis his ratione sui sit subjecta; quando autem voluntas non ratione sui, sed solùm ratione bonorum est subjecta, ita ut de iis sine alterius consensu disponere non possit, veluti minorenis subjectus est curatori, tunc dispositiones, vel vota talis personæ circa ejusmodi bona dicuntur irritari indirectè, hoc est, non ratione personæ, sed ratione bonorum alteri subjectorum. Dicitur 2. *Nomine proprio,* in quo præcipue distinguitur irritatio à dispensatione; hæc enim tollit obligationem nomine alieno, scilicet Dei, qui potestatem jurisdictionis dedit Ecclesiæ ad tollenda, vel remittenda suo nomine vota, & juramenta sibi facta, si causa subsit; quod addo, quia dispensatio ut validè fiat in lege Superioris, causam requirit, non item irritatio, quæ absque omni causa quidem est illicita, non

tamen invalida; deinde dispensans & commutans
vota debet ea speciatim cognoscere, irritans po-
test in genere omnia tollere per solum dissensum,
niam si vovens hoc ignoret, aut nolit ea irritari,
quia conditio substantialis corruit, scilicet con-
fus Superioris, *Arrag. q. 89. a. 9. Suar. lib. 6.*
le vot. c. 1.

QUÆR. III. Quinam habeant potestatem 5.
vota irritandi?

R. I. Papa & Episcopi non possunt directè
vota irritare, nisi respectu Religiosorum sibi sub-
iectorum, quia in alios non habent potestatem
dominativam, nec ejusmodi potestate pro direc-
tione Ecclesiæ indigent, sufficit, quod possint
vota commutare, dispensare, & indirectè irri-
tare, subtrahendo, vel prohibendo materiam
voti, *S. Thom. sup. a. 12. in Corp. & ibi Cajet. Nav.*
179. Suar. l. c.

R. II. Superiores Regulares possunt directè 6.
irritare suorum vota, non tantum ea, quæ
Religiosam gubernationem impediunt, ut pere-
grinatio, servitium extra clausuram, &c. sed
etiam omnia alia post professionem emissæ; an-
equam tamen irritentur, observanda sunt, ita
communis cum *D. Thom. l. c. Suar. c. 7.*
Sanch. l. 4. c. 33. num. 4. Sporer tr. 3. in De-
c. 3. num. 16. Ratio est, quia sicut pupilli
per Remp. ita subjiciuntur tutori, ut omnia eo-
rum vota & dispositiones valeat irritare, sic &
Pontifex ad meliorem Religiosorum guber-
nationem eorum voluntatem subjecere potest Su-
perioribus, ut absque eorum consensu nihil fir-
miter vovere queant; quod verò ita factum sit,
probat praxis & usus Religionum, teste *Lessio*
2. c. 20. dub. 13. Sanch. c. 24. num. 30. Excipe

Ee 2

tria

- tria vota essentialia, & votum assumendi Religionem strictiorem, cuius executio sicut non potest à Prælato impediri, c. licet de Regul. ita nec irritari, DD. cit. Neque irritare possunt vota facta in sæculo vel Novitiatu, quia votens tunc non erat subditus; possunt tamen Novitiorum vota suspendere, in quantum impediunt, vel difficiliora reddunt exercitia Novitiatus; imò ipse Novitus omnia vota sua in exercitia Novitiatus tanquam in rem evidenter meliorem commutare potest; expediet tamen tunc certa opera determinare, in quæ commutatio fiat, ne ad omnia opera se ex voto obligans plurimis exponatur scrupulis; Novitus verò Religionem deserens voti prioris obligatione constringitur, quia suspensio, vel commutatio cœnletur tantum facta pro tempore Novitiatus, *Sanch. num. 41. Castropalao d. 2. pun. 8. num. 10.* 2. Superiores gaudentes potestate irritandi sunt Generalis, Provincialis, Visitator, Abbas, Guardianus, Prior seu Rector localis, non tamen Vicarii, Ministri, Priors claustrales aliique Vice-Superiores, nisi Rectore vel Abbatte absente, quia verè Superiores non sunt, nec suo sed alieno nomine imperant, *Castropalao l. c. Leurer. l. 3. q. 898.* Abbatissæ & Matres Monialium suarum vota etiam irritate possunt, quia irritatio fundatur in obedientiâ, quæ illis sicut aliis Prælatis promittitur, *Sanch. Suar. Sporer. l. c. cont. Castropalao, Leur. 3.* Potestas irritativa extendit se etiam ad votamē interna & futura, quia omnia includunt conditionem, si Superior consentiat, DD. cit. 4. Si Provincialis tibi dedit licentiam votandi, non potest votum irritare Superior localis, potest tamen ex justâ causâ executionem voti impedire,

e, quodunque Provincialis consulatur, ita enim
igit bonum regiminis, *Sanch. c. 27. num. 4.*
5. Ipse, qui dedit licentiam vovendi, votum ^{9.}
irritare potest, etiamsi promiserit non irritare;
non quamvis tunc peccet, si sine causa id fa-
sat, irritat tamen validè, quia non obstante
la pcomissione retinet potentiam dominativam
alubditum, *Sanch. num. 9. Leur. q. 896.* mul-
timagis id poterit æqualis vel Superior. Infe-
rior tamen irritare non potest vota edita cum
licentiâ Superioris, quia hujus potestati deroga-
t nequit. 6. Superior, qui sine justâ causâ
irritat votum grave, in quod semel consensit, ex
communi apud *Castropalao p. 3. §. 2* peccat
mortaliter, quia tribuendo licentiam fit par-
ceps voti: ergo sine causa revocans censetur il-
lus transgressor: deinde votum licentiâ Supe-
rioris firmatum, est à DEO acceptatum: er-
go fit DEO gravis irreverentia, si absque
causa consensus revocetur. *Nihilominus Ill-*
Aug. t. 5. num. 133. dicit, esse tantum ve-
niale; si vero Superior non consensit, sed
absque causa irritat votum, non peccare, te-
net, *Sylves. Azr.* & probabile esse dicit *Spo-*
rr num. 34 quia utitur jure suo; at proba-
biliter peccat saltem venialiter, quia abutitur
la potestate, subditum à meliori bono absque
causa impediendo; *Sinus de iust. l. 7. q. 3. a. 1.*
Laym. c. 7. num. 18. La Croix num. 499. 7. Su-
perior quamvis secum dispensare possit ut dixi
Cas. 6. n. 24. tamen non potest irritare votum
proprium, neque alteri irritandum committe-
re, *Sanch. num. 60.* quia potestas irritandi in
nocundatur, quod votum emittatur sub con-
ditione, si Superior consentiat; nemo autem

Ec 3

sub

10.

sub conditione proprii consensū votum emittere potest, destruit enim talis conditio strictam voti obligationem; nec obstat, quod quis secum dispensare possit, nam dispensatio non sit nomine proprio, sed per eam nomine Dei remittitur obligatio, qui etiam dispensanti remittere potest justā causā intercedente.

II. *qz. III.* Omnia vota prolium etiam illegitimarum, tam realia, quam personalia, ante pubertatem emissā, potest pater aut tutor, vel his deficientibus, mater irritare juxta seq. explicationes.

1. Etiamsi votum emissum sit cum licentiā Patris, tutoris, vel matris, tamen irritari potest, quia non obstante isto consensu manet in impubere immaturitas discretionis, & judicij: ideoque potentia gubernativa, & irritativa in patre,atore, &c. *Angel. Sylves. Laym. l. c.*

2. Etiam vota impuberum implenda post pubertatem irritari possunt, ut si puella undecim, vel puer tredecim annorum voveat post duos annos ingredi Religionem, quia potestas irritandi fundatur in infirmitate judicij, quæ revera adhuc tempore emissi voti, *Sporer n. 20.* nec obstat, quod fortè filius contradicat, putans vota irritari non posse, nam potestas irritativa non pender à consensu filii.

III. Vota ab impubere edita non tantum durante impubertate, sed etiam ex post quocunque tempore à patre irritari possunt, modò post pubertatem non fuerint confirmata, *Cajet. q. 89. a. 5. Reiffenst. lib. 3. decret. t. 34. n. 13. Illung. n. 123.*

134. Ratio est, quod votum impuberis non tantum propter dominium paternum, sed etiam propter immaturitatem judicij pendeat à patre,

includatque conditionem: *Si pater non contradixerit*, quæ conditio tractu temporis non auferitur; dixi, modò post pubertatem non fuerint confirmata; non censentur autem confirmari ex hoc, quod vovens voluerit ea exequi, aut ignarus ea esse infirma, sèpius renovaverit, quia hæc renovatione est tantum approbatio prioris vinculi, sed requiritur, ut sciens eorum debilitatem, ea pubes liberè ratificet, & ita intendat se obligare, quasi unquam fuisse obligatus, *Navar. c. 12. n. 71.*
Sanch. c. 30. n. 38.

4. Non tantum pater & tutor impuberis, sed 13.
de curator vota minoris ante pubertatem facta post pubertatem irritare potest, modò confirmata non sint, *Sanch. n. 15. Castropalao n. 6.* Ratio est, quod curator succedat loco patris: ergo sicut pater potest ista vota irritare, ut jam probatum est, sic & curator.

5. Vota post pubertatem emissa si realia sint, 14.
potest pater aut curator irritare, secùs si personalia; hinc si filius quindecim annorum voveat jejunium, Religionem, & eleemosynam, irritari poterit votum eleemosynæ, (intellige ex bonis patri subjectis) non verò jejunii & Religionis. Ratio est, quia post pubertatem filius quoad suam personam est sui juris; bona autem ejus, exceptis castrenisibus & quasi castrenisibus, subjecta sunt patri usque ad emancipationem, vel curatori usque ad annum vigesimum quintum completum: ergo vota realia puberis, non autem personalia à patre autatore irritari possunt.

6. Si votum ante pubertatem emissum post 15.
pubertatem à Superiore, vel ipso voente in opera personalia commutetur, nec pater, nec tutor votum surrogatum irritare poterit, *Sanch. n. 48.*

Castrapalao n. 11. quia votum ante puberitatem emissum jam desit, & post puberitatem successit personale, atque in vota personalia post puberitatem edita vel confirmata pater & curator potestatem non habent, nisi in quantum præjudicant gubernationi paternæ vel domesticæ, ut si filius voveret longa jejunia, peregrinationes, &c, quibus subtraheretur ab obsequiis patri præstandis, tunc enim ea indirecè irritari, vel potius suspendi possent, *Sporer n. 22.*

16. 7. Si votum puberis sit quidem reale, sed implendum post tempus subjectionis, v. g. filius quindecim annorum votet aedificare facellum, quam primūm à patriâ vel curatoria potestate liberatus fuerit, idem est, si uxor quid voveat implendum post mortem mariti, tale votum à patre, curatore vel marito irritari non potest; econtra vota impuberis et si in statu libero implenda, pater & curator irritare possunt, *Sanch. Castrapalao §. 4 III-sung. n. 135.* Ratio horum est, quod impubes non tantum quoad bona, sed etiam quoad voluntatem patri & curatori sit subjectus, ideoque ejus actus per solum disensem nullari potest; econtra pubes quoad voluntatem non est subjectus patri, neque uxori marito, & bona post subjectionem etiam non sunt amplius subjecta: ergo non est, unde vota puberis vel uxoris post subjectionem implenda à patre, curatore vel marito irritari valeant; quod etiam tenet de votis realibus perpetuis; v. g. de voto quotidiè dandi elemosynam, ita ut irritari non possit, in quantum le ex tendit ultrà tempus subjectionis.

17. 8. Potestas vota irritandi hoc ordine venit: pater, tutor, curator, mater, avus, ex parte patris, non matris, avus paternus nihil potest vivente matre,

Spo-

Sporer n. 24. Schmalzgr. n. 76. Imò deficiente patre, tutore aliisque ascendentibus loco patris succedere herum, magistrum, cōsque vota im-
puberum irritare posse, non improbabiliter do-
cent Sayr. Less. l. 2. c. 49. dub. 14. Suar. l. 6. c. 6.
l. 23. Laym. c. 7. n. 10. quia ita videtur exigere
equitas naturalis; at oppositum est verius, quia
ex nullo jure doceri potest, hanc potestatem heris,
magistris, &c. esse concessam, S. Th. l. c. Bonac.
Sanch. c. 35. n. 84. Wiesner. n. 54.

9. In dubio an votum sit irritabile, an sit emis-
sum vel confirmatum tempore subjectionis, an
executio sit destinata in-vel extra tempus subjectionis, potest Superior illud irritare, Suar. c. 6.
La Croix n. 500. Leuren. q. 879. quia pater est in
terta possessione potestatis irritativæ, quâ per ra-
tionem dubiam privari non debet. Vid Vivian op.
l. 9. 6. a. 3.

¶ IV. Quamvis *Sotus*, *Ang. Arrag.* aliisque 18.
cum Sanch. 34. n. 3. probabiliter doceant, mari-
tum directè irritare posse omnia vota uxoris, stan-
te matrimonio emissa, eò quod voluntas ejus vi-
deatur esse perfectè subjecta marito, ex illo ad
Eph. 5. *Mulieres viris suis subditæ sint sicut Deo,*
qua vir caput est mulieris, sicut Christus caput est
Ecclesie. Et Num. 30. dicitur, uxorem non te-
neri promissione voti, si vir ex templo contradixe-
re. Attamen verius est, quod sola vota debito
conjugali, educationi prolium, vel gubernationi
domesticæ præjudicantia, velut votum casti-
tatis, longæ peregrinationis, &c, maritus irrita-
re possit, Nav. c. 12. num. 64. Castropalao p. 6.
num. 2. Sporer num. 29. Illung. num. 126. Ratio
est, quod tota uxoris subjectio fundetur in con-
tractu matrimonii; ergo vota uxoris non subsunt

Ee 5

mari-

marito, nisi in quantum præjudicant matrimonio & vitæ sociali, quod jus etiam competit uxori, ut vota mariti matrimonio præjudicantia irritare possit; notandum autem, quod vota sic indirec[t]è irritata, vel potius suspensa reviviscant, quando desinunt alteri præjudicare, *Laym. c. 7. & D. D. c. c. Unde inferes seqq.*

19. 1. Si uxor ante, vel sub matrimonio castitatem, vel quotidianam eleemosynam uoverit, soluto matrimonio tale votum reviviscit, etiamsi antea à marito fuerit irritatum.

2. Vota uxoris moderatè jejunandi, orandi, communicandi, pauperes ex bonis parapheris sustentandi, &c. maritus infirmare non potest, quia in his uxor est sui juris, neque hæc matrimonio præjudicant; si tamen maritus ægrè ferat, ac sine laesione pacis vel amoris conjugalis observati non possint, ad tempus cessant; quia eorum materia facta est illicita, vel moraliter impossibilis aut majoris boni impeditiva, *Sylvef. Nav. Suar. 6. c. 4. Laym. n. 12.*

20. 3. Votum uxoris nunquam petendi debitum, maritus irritare non potest, quia conjux non tenetur petere, sed solum reddere debitum; econtra si maritus uoverit non petere debitum, & uxor obinde gravetur, eò quod & ipsa præverecundia petere non aūsit, *Laym. Sporer dicunt, votum mariti ab uxore irritari posse, sed melius contradicunt Gomez. Less. Nav. c. 12. n. 60.* quia obligatio mariti non petendi debitum reverā non cedit in præjudicium uxoris, cāmque non retrahit à petitione debiti, sed potius dat ansam liberius petendi, cū sciat ipsum petere non posse, & ipsa levi indicio facile petere possit; meritò no-

ant DD. ejusmodi vota esse indiscreta, & conju-
gibus, nisi senes sint, dissuadenda.

4. Si vir & uxor mutuo consensu voveant casti-
tem, hoc votum ipsis irritare non possunt, quia
iuri suo ad petendum & reddendum debitum re-
nunciārunt, c. fin. 33. q. 5. Sporer. n. 29. Castro-
vado p. 7. n. 6.

5. Si conjux conjugi simpliciter dedit licenti-
m uovendi castitatem, hoc ipso cessit iuri suo, nec
consensum revocare, aut debitum petere po-
nit, secūs si votum conjugis purē permisit,
servando sibi jus suum, Nav. c. 17. nū. 31. La-
nū. 15.

6. V. Vota denique servorum, domini aut heri-
ndirectè tantū irritare possunt, quatenus obli-
gationi servitutis vel famulatūs oblistunt, ideb-
que finitā servitute reconvalescunt, *communis &*
mutua; unde domini nihil possunt circa vota casti-
tatis, orationis, confessionis; moderati jejuniū
dec.

C A S U S LXXI.

De Voti Dispensatione, & Commutatione.

Z Oilus Pastor ab Episcopo interrogatur: 1. An
dispensatio absque causa sit licita, & valida
2. Quae sint cause dispensandi. 3. Quid in dubio,
aut in casu, quo absque omni causa bonâfide dispen-
satum est. 4. An dispensare possint Papa, Episcopi,
Pralati, Regulares, Abbatissae, an cum Novitiis

ES